

ინდივიდუალური აუდიტორი დავით რობაქიძე

ლიცენზია №. №159 (30.06.2000 წ.); სერ. №N6/114 (06.02.2012 წ.); SARAS-A-455106 (ბრძანება №175, 23.01.2017 წ.); სქემი - სერ. №064 (08.08.2016 წ.); სერ. №CE-012-11; საი - სერ. №0061 (14.05.2014 წ.);
ს/ნ: 01013024727; მის.: თბილისი, ვარკეთილი-3, II მე/რ-ნი, 15-87
E-mail: davidrobakidze1956@gmail.com ტელ.: 599 30 15 84; 2 79 84 40

№002/0-1

15 თებერვალი 2023 წელი

აუდიტის დასკვნა

შპს ტელეკომპანია „ეგრისის“ 2022 წლის ფინანსური
საქმიანობის შედეგების შესახებ

მოსაზრება:

დამოუკიდებელმა აუდიტორმა დავით რობაქიძემ (პ/ნ 01013024727) სერტიფიკატი ზოგად აუდიტში №. N6/114 (06.02.2012), რომელიც რეგისტრირებულია საქართველოს ფინანსთა სამინისტროს ბუღალტრული აღრიცხვის ანგარიშგებისა და აუდიტის ზედამხედველობის სამსახურში სარეგისტრაციო ნომრით SARAS A-455106, შპს ტელეკომპანია „ეგრისთან“ (ს/ნ 239861592) გაფორმებული ხელშეკრულების საფუძველზე განვახორციელე საზოგადოების მიერ 2022 წლის 31 დეკემბრის მდგომარეობით დასრულებული სააგარიშო პერიოდის ფინანსური ანგარიშგების აუდიტი, რომელიც მოიცავს:

- საანგარიშო პერიოდის დასრულებისათვის შპს-ს ფინანსური მდგომარეობის ანგარიშგების (ზალანსი) აუდიტს;
- საანგარიშო პერიოდის სრული შემოსავლის ანგარიშგების (მოგება-ზარალის ანგარიშგება) აუდიტს;
- საკუთარი კაპიტალის ანგარიშგების აუდიტს;
- ფულადი ნაკადების ანგარიშგების და განმარტებითი შენიშვნების აუდიტს იმ საანგარიშო წლისათვის, რომელიც დასრულდა 2022 წლის 31 დეკემბერს.

ჩემი აზრით თანდართული ფინანსური ანგარიშგება ყველა არსებითი ასპექტის გათვალისწინებით უტყუარად და სამართლიანად ასახვს შპს ტელეკომპანია „ეგრისის“ ფინანსურ მდგომრეობას 2022 წლის 31 დეკემბრის თარიღისათვის, მისი საქმიანობის ფინანსურ შედეგებს და ფულადი სახსრების მოძრაობას იმ წლისათვის, რომელიც დასრულდა მოცემული თარიღით, შედგენილია ფინანსური ანგარიშგების საერთაშორისო სტანდარტების შესაბამისად, რაც საშუალებას მაძლევს, რომ შპს ტელეკომპანია „ეგრისის“ ფინანსურ საქმიანობაზე გავცე უპირობო (დადებითი) დასკვნა.

ხელმძღვანელობის პასუხიმგებლობა ფინანსურ ანგარიშზე

2022 წლის 31 დეკემბრის მდგომარეობით დასრულებულ წარმოდგენილ ფინანსურ ანგარიშგებაზე, რომელიც ასახავს საანგარიშო პერიოდში ორგანიზაციულ ფინანსურ მდგომრეობას, წარმოებული ოპერაციის შედეგებს, ფულადი სახსრების მოძრაობას და აქტივების ცვლილებას, პასუხისმგებელია ხელმძღვანელობა.

ხელმძღვანელობის პასუხისმგებლობა განისაზღვრება წინამდებარე ფინანსური ანგარიშგების მომზადებასა და სამართლიან წარდგენაზე, რომელიც ფინანსური ანგანრიშგების სტანდარტების მოთხოვნების დაცვასთან ერთად მოიცავს:

- შიდა კონტროლის სისტემის შექმნას, რომელმაც უნდა უზრუნველყოს შედომის ან თაღლითობის გამო ფინანსურ ანგარიშგებაზე დაშვებული არსებითი შეცდომების გამოვლენა;
- გაცხადებას არის თუ არა არჩეული და გამოყენებული შესაბამისი სააღრიცხვო პოლიტიკა;
- ფუნქციონირებადი საწარმოს პრინციპის დაცვით პროგნოზირებად მომავალში საწარმოო ფუნქციონირებას არ შეწყვეტს.

ზოგადად ხელმძღვანელობა პასუხისმგებელია ამ ფინანსურ ანგარიშგების მომზადებასა და სამართლიან წარდგენაზე ფინანსური ანგარიშგების საერთაშორისო სტანდარტების შესაბამისად და მოცემული პასუხისმგებლობა მოიცავს რა შიდა კონტროლის შემუშავებას, დანერგვას და შენარჩუნებას, რაც საჭიროა ისეთი ფინანსური ანგარიშგების მომზადებისა და წარდგენისათვის, რომელიც არ შეიცავს შეცდომით ან თაღლითობით გამოწვეულ არსებით უზუსტობას. აგრეთვე ბუღალტრული აღრიცხვის შესაფერისი პოლიტიკის შერჩევასა და დანერგვას და მოცემული გარემოებებისათვის შესაბამისი და დასაბუთებული ბუღალტრული შეფასების გაკეთებას.

აუდიტორის პასუხისმგებლობა

აუდიტორი პასუხისმგებელია ჩატარებულ აუდიტზე დაყრდნობით გამოთქვას თავისი მოსაზრება ფინანსურ ანგარიშგებაზე. მე, როგორც დამოუკიდებელმა აუდიტორმა აუდიტი ჩავატარე აუდიტის საერთაშორისო სტანდარტების შესაბამისად, რომელიც თავის მხრივ მოითხოვს რომ განხორციელებული ქმედებები შეესაბამებოდეს ეთიკის ნორმებს და აუდიტის იმგვარად დაგეგმვასა და ჩატარებას, რომ მივიღო უტყუარი რწმუნება იმისა, რომ ფინანსური ანგარიშგება არ შეიცავს არსებით უზუსტობებს და შევაფასო შპს ტელეკომპანია „ეგრისის“ ფინანსური საქმიანობის შედეგები საანგარიშო 2022 წლის პერიოდისათვის.

აუდიტი მოიცავს გარკვეული პროცედურების ჩატარებას ფინანსურ ანშგარიშგებაში წარმოდგენილ თანხებსა და განმარტებებზე, აუდიტორული მტკიცებულებების მოსაპოვებლად. შერჩეული პროცედურები დამოკიდებულია აუდიტორის პროფესიულ მსჯელობაზე, რომელიც მოიცავს ფინანსურ ანგარიშგებაში თაღლითობის ან შეცდომის შედეგად წყრმოქმნილი არსებითი უზუსტობის რისკის შეფასებას.

არსებული გარემოებების შეფასებისას აუდიტორული პროცედურების შემუშავებისათვის, მაგრამ არა ორგანიზაციის შიდა კონტროლის ეფექტურობაზე დასკვნის გაკეთების მიზნით აუდიტორი რისკის შეფასებისას ითვალისწინებს შიდა კონტროლის სისტემებს, რომლებიც საჭიროა ფინანსური ანგარიშგების მომზადებისა და სამართლიანი წარდგენისათვის. აუდიტი ასევე ითვალისწინებს გამოყენებული ბუღალტრული პოლიტიკისა და ხელმძღვანელობის მიერ გაკეთებული ბუღალტრული შეფასებების შესაფერისობის შეფასებისა და ფინანსური ანგარიშგების წარდგენის შეფასებას მთლიანობაში.

წარმოდგენილი ფინანსური ანგარიშგების მონაცემების ანალიზით დგინდება, რომ საზოგადოების მთლიანი შემოსავალი 2022 წლის პერიოდში შეადგენს 56844 ლარს. ამასთან ერთად, საზოგადოების მიერ გაწეული ხარჯი შეადგენს 56844 ლარს და დგინდება, რომ საწარმომ საანგარიშო პერიოდი დაამთავრა ნულოვანი მოგებით. რაც შეეხება სხვა მონაცემებს (კაპიტალს და სხვა) მათ ცვლილება არ განუცდიათ.

ჩატარებული აუდიტორული პროცედურების შედეგად წარმოდგენილი ფინანსური ანგარიშგების მონაცემებზე დაყრდნობით მიმაჩნია, რომ მტკიცებულებები, რომლებიც აუდიტის პერიოდში მოვიპოვე აუდიტის დაკვნისათვის საკმარის და მართებულ საფუძველს წარმოადგენს ჩემთვის და შესაძლებლობას მაძლევს გამოვთქვა მოსაზრება წარმოდგენილ ანგარიშგებაზე დასკვნის სახით.

დასკვნა

ჩემი აზრით, წარმოდგენილი ფინანსური ანგარიშგება, რომელიც ასახავს შპს ტელეკომპანია „ეგრისის“ (ს/ნ 239861592) ფინანსურ საქმიანობას 2022 წლის საანგარიშო პერიოდში უტყუარად ასახავს საზოგადოების ფინანსურ მდგომარეობას 2022 წლის 31 დეკემბრისათვის და შესაბამისობაშია მისი საქმიანობის შედეგებთან. რეალურად ასახავს ფულადი ნაკადების მოძრაობას და 2022 წლის განმავლობაში საკუთარ ფონდში ცვლილებებს. ანგარიშგება მომზადებულია ფინანსური აღრიცხვის საერთაშორისო სტანდარტების შესაბამისად, თანხვედრაშია საქართველოში მოქმედ საკანონმდებლო მოთხოვნებთან და სამართლიანად ასახავს საზოგადოების საფინანსო სამეურნეო საქმიანობის შედეგებს 2022 წლის 31 დეკემბრის პერიოდისათვის.

შენიშვნა: დასკვნას თან ერთვის წარმოდგენილი ფინანსური ანგარიშგების მონაცემები.

ინდივიდუალური აუდიტორი



დ. რობაქიძე

თბილისი

2023 წლის 15 თებერვალი



ბუღალტრული აღრიცხვის, ანგარიშგებისა და აუდიტის გედამხედველობის სამსახური
SERVICE FOR ACCOUNTING, REPORTING AND AUDITING SUPERVISION

ბრძანება

N 175

23/01/2017

აუდიტორების სახელმწიფო რეესტრში დავით რობაქიძის რეგისტრაციის თაობაზე

ბუღალტრული აღრიცხვის, ანგარიშგებისა და აუდიტის ზედამხედველობის სამსახურს წარედგინა დავით რობაქიძის (პ/ნ 01013024727, წერილის N256764/21-11; 08.12.2016წ., იურიდიული მისამართი: თბილისი, ვარკეთილი-3 მე-2 მ.რ. კ.15 ბ.87 სარეგისტრაციო განაცხადი თანდართულ დოკუმენტებთან ერთად, რომლითაც მოთხოვნილია დავით რობაქიძის რეგისტრაცია აუდიტორების სახელმწიფო რეესტრში.

„ბუღალტრული აღრიცხვის, ანგარიშგებისა და აუდიტის შესახებ“ საქართველოს კანონის და „ვებგვერდისა და რეესტრის ელექტრონული ფორმით წარმოების, მისი სტრუქტურის, ფორმის, მასში ასახული ინფორმაციის ნუსხისა და მომხმარებელთა იდენტიფიცირების წესის განსაზღვრის თაობაზე“ ბუღალტრული აღრიცხვის, ანგარიშგებისა და აუდიტის ზედამხედველობის სამსახურის 2016 წლის 28 ოქტომბრის N17 ბრძანების საფუძველზე,

ვ ბ რ ძ ა ნ ე ბ:

1. დასრულდეს დავით რობაქიძის სარეგისტრაციო წარმოება.
2. მოთხოვნა დაკმაყოფილდეს.
3. მიენიჭოს დავით რობაქიძეს ინდივიდუალური სარეგისტრაციო ნომერი - SARAS-A-455106.
4. გადაწყვეტილება გაეგზავნოს დავით რობაქიძეს ბრძანების მიღებიდან არაუგვიანეს 2 დღის ვადაში.
5. ბრძანება ძალაშია ხელმოწერისთანავე.
6. ბრძანება შეიძლება გასაჩივრდეს გაცნობიდან ერთი თვის ვადაში თბილისის საქალაქო სასამართლოში (მის: ქ.თბილისი, დ.აღმაშენებლის ხეივანი მე-12 კმ; N6).

იური დოლიძე

სამსახურის გედამხედველობის სამსახური, ანგარიშგებისა და აუდიტის ზედამხედველობის სამსახური

